

## **К ОПУБЛИКОВАНИЮ**

### **КОМИ РЕСПУБЛИКАСА ЮРАЛЫСЬЛӨН ИНДӨД**

#### **Коми Республикаса Юралысьлөн өткымын индөдö вежсьöмъяс пыртöм йылысь**

Шуа:

1. Пыртны Коми Республикаса Юралысьлөн өткымын индөдö вежсьöмъяс содтöд серти.
2. Тайö Индöдыс вынсялö сійöс официальнöя йöзöдан лунсянь.

Коми Республикаса Юралысь

В. Уйба

Сыктивкар

2024 вося урасьöм тöлысь 26 лун

16 №

Коми Республикаса Юралысьлӧн  
2024 во урасьӧм тӧлысь 26 лунся 16 №-а Индӧд дорӧ  
**СОДТӦД**

Коми Республикаса Юралысьлӧн ӧткымын индӧдӧ пыртӧм  
**ВЕЖСЬӦМЪЯС**

1. «Уджын зэв тӧдчана йӧзлысь, нимӧдана йӧзлысь паметсьӧ, а сідзжӧ историяын лоӧмторьяссӧ да казътылан кадпасьяссӧ Коми Республикаын нэммӧдӧм йылысь» Коми Республикаса Оланпас збыльмӧдан мераяс йылысь да Коми Республикаса Юралысьлысь ӧткымын индӧд вынтӧмӧн лыддьӧм йылысь» Коми Республикаса Юралысьлӧн 2013 во сора тӧлысь 16 лунся 86 №-а Индӧдын:

1) 1 пунктын:

а) 2 пунктулын «2 №-а содтӧд серти.» кывъяс вежны «2 №-а содтӧд серти;» кывъясӧн;

б) содтыны татшӧм сюрӧса 3 пунктув:

«3) Коми Республикаын историяын лоӧмторьяссӧ нэммӧдан пӧрадок йылысь положение да гажӧдчан лунъяс урчитӧмӧн, кутшӧмъяс оз лоны уджавтӧм лунъясӧн, да казътылан кадпасьяс урчитӧмӧн казътылан кадпасьяс урчитӧмын 2<sup>1</sup> №-а содтӧд серти.»;

2) 2 пунктын «Коми Республикаса культура, туризм да архив удж министерствоӧс» кывъяс вежны «Коми Республикаса культура да архив удж министерствоӧс» кывъясӧн;

3) Коми Республикаын уджын зэв тӧдчана йӧзлысь, нимӧдана йӧзлысь паметсьӧ налысь нимъяссӧ Коми Республикаса олӧмӧ пӧртысь власьт органъяслӧн веськӧдлӧм улӧ пырысь канму учреждениеяслы, канму ӧтувъя предприятиеяслы, а сідзжӧ индӧм организацияслӧн вӧрзбӧдны позьтӧм эмбур объектьяслы сетӧмӧн нэммӧдан пӧрадок йылысь положениеын (1 №-а содтӧд):

5 пунктса медводдза абзацын «Коми Республикаса культура, туризм да архив удж министерствоӧс» кывъяс вежны «Коми Республикаса культура да архив удж министерствоӧс» кывъясӧн;

4) Коми Республикаын уджын зэв тӧдчана йӧзлысь, нимӧдана йӧзлысь паметсьӧ, историяын лоӧмторьяссӧ да казътылан кадпасьяссӧ зданиеяслӧн, стрӧйбаяслӧн, сооружениеяслӧн баньяс вылын, Коми Республикаса эмбурӧ пырысь му участокъясын да (либӧ) объектьясын памятникъяс, мемориальной пӧвьяс, мукӧд мемориальной сооружение сувтӧдӧмӧн нэммӧдӧм пӧрадок йылысь положениеын (2 №-а содтӧд):

6 пунктса медводдза абзацын «Коми Республикаса культура, туризм да архив удж министерствоӧс» кывъяс вежны «Коми Республикаса культура да архив удж министерствоӧс» кывъясӧн;

5) содтыны татшӧм сюрӧса 2<sup>1</sup> №-а содтӧд:

«ВЫНСЬӨДӨМА  
Коми Республика Юралысьлөн  
2013 во сора тöлысь 16 лунся 86 №-а Индöдөн  
(2<sup>1</sup> №-а содтöд)

Коми Республикаын гажöдчан луньяс урчитöмөн, кутшöмьяс оз лоны  
уджавтöм луньясөн, да казтылан кадпасьяс урчитöмөн историяын  
лоöмторьяссö да казтылан кадпасьяссö нэммöдан пöрадок йылысь

**ПОЛОЖЕНИЕ**

1. Тайö Положениеыс индö Коми Республикаын гажöдчан луньяс урчитöмөн, кутшöмьяс оз лоны уджавтöм луньясөн, да казтылан кадпасьяс урчитöмөн историяын лоöмторьяссö да казтылан кадпасьяссö нэммöдан пöрадок.

Историяын лоöмторьяссö, казтылан кадпасьяссö нэммöдöны налөн лоöм бöрын 40 во кольöм мысти оз водзджык.

2. Коми Республикаын гажöдчан луньяс урчитöмөн, кутшöмьяс оз лоны уджавтöм луньясөн, да казтылан кадпасьяс урчитöмөн историяын лоöмторьяс да казтылан кадпасьяс нэммöдöмсö оформитöны Коми Республикаса Юралысьлөн индöдьясөн.

3. Коми Республикаса канму власът органьяс, Коми Республикаын меставывса асвеськöдлан органьяс, öтйöза организацияс либö öтйöза öтмунöмьяс (водзö – водзмöстчысьяс) сетöны Коми Республикаын гажöдчан луньяс урчитöмөн, кутшöмьяс оз лоны уджавтöм луньясөн, да казтылан кадпасьяс урчитöмөн историяын лоöмторьяссö да казтылан кадпасьяссö нэммöдöм йылысь вöзйöмьяссö (водзö – нэммöдöм йылысь вöзйöмьяс) Коми Республикаса культура да архив удж министерствоö (водзö – Министерство).

4. Водзмöстчысьяс сетöны нэммöдöм йылысь вöзйöмьяссö веськыда Министерствоö либö тавоя косму тöлысь 1 лунöдз кадколастö ыстöны пошта связь организация, корреспонденция вайысь мукöд организация пыр уведомлениеөн пошта пыр заказнöя мöдöдöмөн татшöм документьяс:

1) нэммöдöм йылысь ходатайство, кутшöмöс лöсьöдöма ас кöсйöм формаын, нэммöданногсö индöмөн да подулалöмөн;

2) «Россияса наукаяс академиялөн Урал юкөнса Коми наука шöрин» туялан удж нуöдысь федеральнöй шöринлөн Кыв, литература да история институтлысь экспертнöй заключение, кутшöмöс кырымалöма сылөн директорён либö сыөн уполномочитöм мортөн да кутшöм эскöдö историяын лоöмторлысь либö казтылан кадпаслысь збыльлунсö.

5. Тайö Положениелөн 4 пунктын индöм документьяссö, кутшöмьясöс сетöма веськыда Министерствоö, пасйöны Министерствотоын налөн воан лунö Министерствотоын урчитöм делопроизводство правилöяс серти. Документьяс воан лунөн лыддьысьсö Министерствотоын найöс пасьян лун.

Сэк, кор документъяссь ыстӧны пошта связь организация, корреспонденция вайысь мукӧд организация пыр, Министерство пасйӧ индӧм документъяссь Министерстоӧ налӧн воан лунӧ. Документъяс воан лунӧн лыддыссьӧ Министерстоын найӧс пасьян лун.

6. Министерство видлалӧ да прӧверитӧ документъяссь, кутшӧмъясӧс индӧма тайӧ Положениелӧн 4 пунктын, сы серти, эмӧсь-ӧ наын абу збыль (ӧта-мӧдлы лӧсявтӧм) тӧдмӧгъяс Министерстоӧ налӧн воан лунсянь 15 уджалан лун чӧжӧн (тайӧ Положениелӧн 8 пунктса 2 пунктулӧн, 9 пунктӧн урчитӧм аслыспӧлӧслунъяссь тӧд вылӧ босьтӧмӧн).

7. Тайӧ Положениелӧн 4 пунктын индӧм документъяс видлалан кывкӧртӧдъяс серти Министерство мӧдӧдӧ тайӧ документъяссь Коми Республикаса Юралысь бердын культура да искусство серти сӧветӧ видлалӧм вылӧ (водзӧ – Сӧвет) Министерстоӧ налӧн воан лунсянь ӧти тӧлысь чӧжӧн либӧ примитӧ тайӧ пунктын индӧм кадколастӧ Сӧветӧ найӧс видлалӧм вылӧ мӧдӧдӧмын ӧткажитӧм йылысь помшуӧм.

8. Тайӧ Положениелӧн 4 пунктын индӧм документъяссь Сӧветӧ видлалӧм вылӧ мӧдӧдӧмын ӧткажитӧм йылысь помшуӧмсӧ примитӧны татшӧм случайясын:

1) тайӧ Положениелӧн 4 пунктын индӧм документъяссь абу сетӧма либӧ сетӧма абу тырвыйӧ;

2) сетӧм документъясын эмӧсь абу збыль тӧдмӧгъяс.

9. Сэк, кор сетӧм документъясын эмӧсь ӧта-мӧдлы лӧсявтӧм тӧдмӧгъяс да (либӧ) документъяслӧн сюрӧсыс да (либӧ) оформитӧмыс оз лӧсявны оланпастчас корӧмъяслы, Министерство прӧверитӧ индӧм тӧдмӧгъяслысь збыльлы лӧсялӧмсӧ тайӧ Положениелӧн 4 пунктын индӧм документъяс Министерстоӧ воан лунсянь 5 уджалан лун чӧжӧн органъясӧ да организациясӧ, кутшӧмъяслӧн эм колана юӧрыс, запросъяс мӧдӧдӧмӧн. Та дырйи Коми Республикаса культура да архив удж министр либӧ сыӧн уполномочитӧм морт нӱжӧдӧ тайӧ Положениелӧн 4 пунктын индӧм документъяс видлалан да прӧверитан кадколастсӧ, мый урчитӧма тайӧ Положениелӧн 6 пунктын, кадколаст вылӧ, мыйта колӧ корана юӧр босьтӧм могысь, но 30 календарнӧй лунысь оз дырджык вылӧ, мый йылысь юӧртӧны водзмӧстчысьлы лӧсялана запрос (запросъяс) мӧдӧдан лунсянь 5 уджалан лун чӧжӧн гижӧм уведомление мӧдӧдӧмӧн.

10. Тайӧ Положениелӧн 4 пунктын индӧм документъяс видлавны помалан лунсянь 5 уджалан лун чӧжӧн водзмӧстчысьлы мӧдӧдӧны гижӧм уведомление сы йылысь, мый документъяссь, кутшӧмъясӧс индӧма тайӧ Положениелӧн 4 пунктын, мӧдӧдӧма Сӧветӧ видлалӧм вылӧ либӧ сы йылысь, мый Министерство примитӧма тайӧ документъяссь Сӧветӧ видлалӧм вылӧ мӧдӧдӧмын ӧткажитӧм йылысь помшуӧм ӧткажитан помкаяссь индӧмӧн.

11. Водзмӧстчысь вермӧ выль пӧв шыӧдчыны Министерстоӧ нӱммӧдӧм йылысь вӧзйӧмӧн тайӧ Положениелӧн 4 пунктын индӧм документъяссь Сӧветӧ видлалӧм вылӧ мӧдӧдӧмын ӧткажитӧм йылысь

помшуом примитан подувьяссö бырöдöм бöрын, кутшöмьясöс урчитöма тайö Положениелöн 8 пунктöн.

12. Сöвет видлалö нэммöдöм йылысь вöзйöмьяссö Коми Республикаса Юралысь бердын культура да искусство серти сöвет йылысь положение серти, кутшöмöс вынсьöдöма Коми Республикаса Юралысьöн.

13. Тайö Положениелöн 4 пунктын индöм документьяс видлалан бöртасьяс серти Сöвет примитö татшöм помшуомьяс пиысь öтиöс:

- 1) нэммöдöм йылысь вöзйöмсö ошкöм йылысь;
- 2) нэммöдöм йылысь вöзйöмсö вештöм йылысь.

14. Сöветлысь нэммöдöм йылысь вöзйöмсö ошкöм либö нэммöдöм йылысь вöзйöмсö вештöм йылысь помшуомьяссö оформитöны Сöветлöн сёрнигижöдöн кадколастö да пöрадокын, кутшöмьясöс урчитöма Сöвет йылысь положениеöн, да Сöветлысь сёрнигижöд кырымалан лунсянь 3 уджалан лун чöжөн мöдöдöны Министерствоö.

15. Сэк, кор Сöвет примитö водзмöстчысьöн вöзйöм формаын нэммöдöм йылысь вöзйöмсö ошкöм йылысь помшуом, Министерство Сöветлысь сёрнигижöд босьтан лунсянь 15 уджалан лун чöжөн дасьтö Коми Республикаса Юралысьлысь помшуом бала, кутшöмöс индöма тайö Положениелöн 2 пунктын да Министерство сетö сийöс Коми Республикаса Юралысьлы видлалöм вылö Коми Республикаса Юралысьлöн Уджаланарт серти, кутшöмöс вынсьöдöма Коми Республикаса Юралысьлöн 2015 во сора тöлысь 14 лунся 82 №-а Индöдöн.

16. Сэк, кор Сöвет примитö нэммöдöм йылысь вöзйöмсö вештöм йылысь помшуом, Министерство Сöветлысь сёрнигижöд босьтан лунсянь 10 уджалан лун чöжөн мöдöдö водзмöстчысьлы Сöветöн примитöм помшуом йылысь гижöм уведомление öткажитан помкаяссö индöмөн, случайяс кындзи, кор Министерство ачыс лоö нэммöдöм йылысь вöзйöмсö водзмöстчысьöн.».

2. «Коми Республикаса Юралысь бердын культура да искусство серти сöвет да Коми Республикаса Юралысьлöн öткымын индöдö вежсьöмьяс пыртöм йылысь» Коми Республикаса Юралысьлöн 2021 во косму тöлысь 9 лунся 43 №-а Индöдын:

1) Коми Республикаса Юралысь бердын культура да искусство серти сöветö пырысьясын, кодьясöс вынсьöдöма Индöдöн (водзö – Сöвет) (1 №-а содтöд):

а) пыртны Сöветö пырысьяс лыдö Е.Г. Грибковаöс – Коми Республикаса Веськöдлан котырöн Юрнуöдысьöс вежысьöс – Коми Республикаса удж, уджөн могмöдан да социальнöя дорьян министрöс (Сöветöн веськöдлысьöс вежысьöс), Г.Р. Идрисоваöс – Коми Республикаса культура да архив удж министрöс (Сöветöн веськöдлысьöс вежысьöс), М.Л. Андрееваöс – Коми Республикаса культура озырлун объектьяс видзöмөн веськöдланінса начальникöс, киритны сэтчö пырысьяс лыдысь М.А. Балмастоваöс, Г.И. Габушеваöс, С.Е. Павлюшинöс;

б) А.А. Кушмановалысь чин нимсö гижны тадзи:

«Коми Республикаса культура да архив удж министерствоын профессиональнӧй искусство да культура сфераын велӧдан юкӧнса начальник»;

2) Коми Республикаса Юралысь бердын культура да искусство серти совет йылысь положениеын, мый вынсьӧдӧма Индӧдӧн (2 №-а содтӧд):

а) 3 пунктса 6 пунктулын:

«г» пунктулын «шыӧдчӧм йылысь вӧзйӧмъяс.» кывъяс вежны «шыӧдчӧм йылысь вӧзйӧмъяс;» кывъясӧн;

содтыны татшӧм сюрӧса «д» пунктув:

«д) Коми Республикаын гажӧдчан лунъяс урчитӧмӧн, кутшӧмъяс оз лоны уджавтӧм лунъясӧн, да казътылан кадпасъяс урчитӧмӧн историяын лоӧмторъяссӧ да казътылан кадпасъяссӧ нэммӧдӧм йылысь вӧзйӧмъяс.»;

б) 14 пунктын «Коми Республикаса культура, туризм да архив удж министерство» кывъяс вежны «Коми Республикаса культура да архив удж министерство» кывъясӧн.